



08.01.24.  
Ada

Broj: 02-16-3-80-32/23  
Tuzla, 08.01.2024. god.

Na osnovu člana 61. Zakona o upravi („Službeni glasnik BiH“, broj: 32/02, 102/09 i 72/17), člana 64. stav (1) tačka b), člana 70. stav (1), (3) i (6) i člana 89. Zakona o javnim nabavkama („Službeni glasnik BiH“ broj: 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavku („Službeni glasnik BiH“ broj: 103/14 i 49/23), člana 17. Pravilnika o javnim nabavkama u Agenciji za antidoping kontrolu Bosne i Hercegovine broj: 01-02-3-688/22 od 10.12.2022. godine, na Preporuku Komisije za javne nabavke za 2023. godinu broj: 02-16-3-80-29/23 od 08.01.2024. godine, u postupku javne nabavke goriva, v.d. direktora Agencije za antidoping kontrolu Bosne i Hercegovine **d o n o s i:**

## O D L U K U

### o izboru najpovoljnijeg ponuđača za nabavku goriva

#### Član 1.

Prihvata se Preporuka Komisije za javne nabavke broj: 02-16-3-80-29/23 od 08.01.2024. godine i okvirni sporazum za nabavku goriva dodjeljuje se ponuđaču HIFA d.o.o. Tešanj sa sjedištem na adresi Bukva 9, 74260 Tešanj, ponuda broj: P0001/2024 od 04.01.2024. godine primljena dana 05.01.2024. godine, za ponudenu cijenu od 19.680,00 KM bez PDV-a odnosno 23.121,60 KM sa PDV-om i taksom na naftne derivate, kao najbolje ocijenjenom ponuđaču odnosno kao najbolje ocijenjena ponuda nakon uspješno okončane e-aukcije.

#### Član 2.

Ponuđač HIFA d.o.o. Tešanj dostavio je najbolje ocijenjenu ponudu broj: P0001/2024 od 04.01.2024. godine, odnosno ponudio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine (u daljem tekstu: Zakon), u iznosu od 19.680,00 KM bez PDV-a odnosno 23.121,60 KM sa PDV-om i taksom na naftne derivate, koja ispunjava sve formalno pravne uslove tražene u tenderskoj dokumentaciji i koja je od strane ugovornog organa prihvaćena kao najpovoljnija ponuda.

#### Član 3.

Po pravosnažnosti ove odluke, ugovorni organ pozvat će izabranog ponuđača, iz člana 1. ove Odluke, radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

#### Član 4.

Ova Odluka objaviće se na internet stranici Agencije za antidoping kontrolu Bosne i Hercegovine ([www.ada.gov.ba](http://www.ada.gov.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona.

#### Član 5.

Za izvršenje ove Odluke zadužuje se Područje rada za administraciju, međunarodnu saradnju i odnose sa javnošću.

#### Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona.

## O b r a z l o ž e n j e

Postupak javne nabavke pokrenut je Odlukom o pokretanju postupka nabavke goriva broj: 02-16-3-80-2/23 od 13.11.2023. godine. Javna nabavka je provedena putem konkurentskog zahtjeva za dostavu ponuda s ciljem zaključivanja Okvirnog sporazuma na period od 24 mjeseca sa jednim (1) dobavljačem. Procjenjena vrijednost javne nabavke iznosila je 23.931,62 KM bez PDV-a odnosno 28.000,00 KM sa PDV-om. Planirano je provođenje e-aukcije.

Komisija za javne nabavke za 2023. godinu (u daljem tekstu: Komisija za javnu nabavku) imenovana je Rješenjem broj: 02-16-3-21/23 od 20.02.2023. godine.

Obavještenje o nabavci broj: 372-7-1-187-3-12/23 kao i tenderska dokumentacija objavljeno je na Portalu javnih nabavki 15.11.2023. godine a sažetak obavještenja objavljen je u Službenom glasniku BiH broj 79/23 od 17.11.2023. godine.

Dana 21.11.2023.godine, Agencija za antidoping kontrolu Bosne i Hercegovine (u daljem tekstu: Agencija) zaprimila je žalbu od žalitelja „DERMAN COMPANY“ d.o.o. Zenica, ul. Envera Čerkeza br. 65, 72000 Zenica, koga zastupa punomoćnik Adnan Hodžić, advokat iz Zenice, ul. Branilaca Bosne br. 8., na tendersku dokumentaciju.

Agencija je, shodno članu 110. Zakona, donijela Odluku o obustavi postupka javne nabavke broj: 02-16-3-80-10/23 od 21.11.2023. godine te je obustavila postupak javne nabavke do donošenju odluke Ureda za razmatranje žalbi Bosne i Hercegovine (u daljem tekstu: URŽ) a o istom je odmah obavijestio putem e-maila i portala javne nabavke (da je uložena žalba), sve privredne subjekte koji su preuzeli tendersku dokumentaciju.



Agencija je dana 23.11.2023. godine, Uredu za razmatranje žalbi BiH prosljedila izjašnjenje na žalbu broj: 02-16-3-80-13/23.

Ured za razmatranje žalbi Sarajevo donio je Zaključak broj: JN2-01-07-1-3419-5/23 od 21.12.2023. godine kojom se odbacuje žalba kao neuredna.

U skladu sa Zaključkom Ureda za razmatranje žalbi BiH broj: JN2-01-07-1-3419-5/23 od 21.12.2023. godine, Agencija je donijela Odluku o nastavku postupka javne nabavke goriva broj: 02-16-3-80-15/23 od 28.12.2023. godine.

Izmjena i dopuna tendersake dokumentacije objavljena je na portalu javnih nabavki dana 28.12.2023. godine kao i ispravka za obavještenje o nabavci broj: 372-7-1-187-8-13/23.

Ponuđač ENERGOPETROL D.D. SARAJEVO dana 28.12.2023. godine putem Portala javnih nabavki postavio je pitanje vezano za datum važenja OPC obrasca koji se podnosi u ponudi. Agencija je 28.12.2023. godine putem Portala javnih nabavki odgovorila na navedeno pitanje odnosno dala je pojašnjenje tenderske dokumentacije.

Tendersku dokumentaciju sa portala javnih nabavki preuzeli su sljedeći ponuđači:

1. HOLDINA DOO,
2. ENERGOPETROL D.D. SARAJEVO,
3. EKAPIJA DOO,
4. BBS EUROPE,
5. HIFA D.O.O. TEŠANJ,
6. EOL PETROL D.O.O.,
7. DRUSTVO ZA PROIZVODNJU, TRGOVINU I USLUGE "KULA MONT" D.O.O. ZENICA,
8. KOPEX SARAJLIĆ DOO,
9. PETROL BH OIL COMPANY D.O.O.,
10. DERMAN COMPANY D.O.O.,
11. NESTRO PETROL A.D. BANJA LUKA

Na osnovu izvještaja sa portala javnih nabavki, ispravku tenderske dokumentacije preuzeli su sljedeći ponuđači:

1. HOLDINA DOO,
2. ENERGOPETROL D.D. SARAJEVO,
3. EKAPIJA DOO,
4. BBS EUROPE,
5. HIFA D.O.O. TEŠANJ,

Rok za dostavu ponuda bio je do 05.01.2024. godine do 10:00 h a otvaranje ponuda je obavljeno isti dan u 10:10 h.

Na otvaranju ponuda nije bilo predstavnika ponuđača. Zapisnik o otvaranju ponuda broj: 02-16-3-80-25/23 od 05.01.2024. godine dostavljen je svim učesnicima postupka nabavke 05.01.2024. godine putem e-maila. Potvrdu o prijemu e-maila dostavili su svi učesnici postupka nabavke kojima je isti upućen.

E-aukcija zakazana je 05.01.2024. godine u 12:57 h sa početkom 08.01.2024. godine u 10h.

E-aukcija održana je 08.01.2024. godine sa početkom u 10:00 h i trajala je do 08.01.2024. godine do 10:10 h a što je vidljivo iz izvještaja o o toku i završetku e-aukcije.

Komisija za javne nabavke dostavila je 08.01.2024. godine rukovodiocu ugovornog organa Zapisnik o pregledu i ocjeni ponuda broj: 02-16-3-80-26/23 od 05.01.2024. godine (faza I) i broj: 02-16-3-80-28/23 (faza II) od 08.01.2024. godine, Preporuku o izboru najpovoljnijeg ponuđača za nabavku goriva broj: 02-16-3-80-29/23 od 08.01.2024. godine i Izvještaj o radu broj: 02-16-3-80-30/23 od 08.01.2024. godine.

U postupku po izvještaju o radu utvrđeno je da je Komisija blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije (2) ponude,
- da su blagovremeno primljene dvije (2) ponude,
- da nije bilo neblagovremeno primljenih ponuda,
- da nema neprihvatljivih ponuda,
- da su ponude ponuđača HOLDINA d.o.o. Sarajevo i HIFA d.o.o. Tešanj kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način.

Komisija za javne nabavke je, prema kriteriju najniža cijena, sačinila rangiranje prihvatljivih ponuda, prije održane e-aukcije, na sljedeći način:

| RANG | Naziv/ime ponuđača      | Ponuđena cijena [bez PDV-a] | Ponuđeni popust |
|------|-------------------------|-----------------------------|-----------------|
| 1    | HIFA d.o.o. Tešanj      | 19.680,00 KM                | DA              |
| 2    | HOLDINA d.o.o. Sarajevo | 21.696,00 KM                | NE              |

Obzirom da su sve pristigle ponude ispunjavale sve zahtjeve u pogledu opisa predmeta nabavke i tehničke specifikacije te da su sve ponude kvalifikovane i prihvatljive Komisija je jednoglasno donijela zaključak da se e-aukcija zakaže za 08.01.2024. godine sa početkom u 10:30 sati. E-aukcija je uspješno završena 08.01.2024. godine u 10:10 sati.

U postupku donošenja ove Odluke, posebno su cijenjene činjenice da je Komisija za javne nabavke pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija za javne nabavke u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.



Uvidom u priloženu dokumentaciju, nesporno je da je izabrani ponuđač HIFA d.o.o. Tešanj, nakon e-aukcije najbolje ocijenjen primjenjujući kriterij najniže cijene koja je ponuđena u iznosu od 19.680,00 KM bez PDV-a, dok su ostali ponuđači čije su ponude prihvatljive ponudili sljedeće cijene:

2) HOLDINA d.o.o. Sarajevo. – ukupna cijena ponude nakon e-aukcije je 21.696,00 KM bez PDV-a čime je utvrđen i njihov sukcesivni red.

Naziv ponuđača čija je ponuda ocijenjena kao najpovoljnija:

| PODACI O NAJPOVOLJNIJEM PONUĐAČU |                                |                       |
|----------------------------------|--------------------------------|-----------------------|
| 1.                               | Naziv/ime ponuđača             | HIFA d.o.o. Tešanj    |
| 2.                               | Adresa                         | Bukva 9, 74260 Tešanj |
| 3.                               | Ukupna cijena ponude bez PDV-a | 19.680,00 KM          |
| 4.                               | Rok plaćanja                   | 30 dana               |

Slijedom prethodno navedenog, odlučeno je kao u dispozitivu ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.



v.d. DIREKTORA  
*Nikola Čića*  
Nikola Čića

**Dostavljeno:**

- 1 x HIFA d.o.o.
- 1 x HOLDINA d.o.o.
- 1 x Komisija za javne nabavke
- 1 x a/a